



PANDUAN PEPERIKSAAN ULANGAN KHAS


Disediakan oleh :
Seksyen Pengurusan Peperiksaan & Pengijazahan
Bahagian Pengurusan Akademik

PANDUAN PEPERIKSAAN ULANGAN KHAS (PUK)

- 1) Peperiksaan ulangan khas adalah peperiksaan yang diadakan bagi membantu pelajar tahun akhir pengajian menyempurnakan baki kursus yang gagal untuk tujuan pengijazahan.
- 2) Polisi ini tidak terpakai kepada pelajar Ijazah Sarjana Muda Perubatan dan Pembedahan. Panduan peperiksaan ulangan khas bagi pelajar Ijazah Sarjana Muda Perubatan dan Pembedahan boleh dirujuk pada Peraturan Akademik Program Ijazah Sarjana Muda Perubatan dan Pembedahan.
- 3) Pelajar yang layak hendaklah mengemukakan permohonan kepada Dekan Fakulti yang menawarkan kursus berkenaan dalam tempoh dua (2) minggu sebaik sahaja keputusan peperiksaan tahun akhir diumumkan.
- 4) Bayaran dikenakan bagi setiap permohonan adalah RM50.00 (Ringgit Malaysia Lima Puluh) bagi satu kursus.
- 5) Syarat yang perlu dipenuhi bagi menduduki peperiksaan ulangan khas adalah seperti berikut:
 - a) Pelajar tahun akhir pengajian;
 - b) Pelajar tertakluk kepada tempoh maksimum pengajian;
 - c) Pelajar mencapai sekurang-kurangnya taraf pencapaian lulus dengan PNGK 2.00;
 - d) Pelajar yang berstatus Lulus Bersyarat (LB) atau Gagal dan Diberhentikan (GB) tidak dibenarkan menduduki peperiksaan ulangan khas;
 - e) Peperiksaan ulangan khas dibenarkan maksimum dua (2) kursus yang gagal sahaja dalam tempoh pengajian;
 - f) Peperiksaan ulangan khas tidak boleh diadakan bagi kursus yang tidak ada peperiksaan akhir;
 - g) Markah keseluruhan adalah berdasarkan peperiksaan ulangan khas dan diambilkira dalam pengiraan PNGS PNGK;
 - h) Markah penilaian berterusan tidak diambilkira dalam pemarkahan peperiksaan ulangan khas;

- i) Gred dan penilaian kursus yang telah dibuat sebelum ini bagi kursus berkenaan adalah dibatalkan dan digantikan dengan gred dan penilaian kursus yang baharu setelah menduduki peperiksaan ulangan khas;
 - j) Peperiksaan ulangan khas hanya boleh diambil satu (1) kali sahaja dan sekiranya pelajar masih gagal hendaklah mengulang semula kursus tersebut;
 - k) Pelajar yang lulus peperiksaan ulangan khas ini akan diberikan gred maksimum adalah Gred C sahaja;
 - l) Pelajar yang berstatus lulus bersyarat (LB) selepas menduduki Peperiksaan Ulangan Khas perlu mengulang kursus tersebut dan perlu mencapai kelayakan minima untuk dianugerahkan diploma atau ijazah kepujian tidak kurang daripada PNGK 2.00;
 - m) Pelajar adalah tertakluk kepada peraturan akademik Gagal dan Diberhentikan (GB). Rujuk peraturan 7.14 Gagal dan Diberhentikan (GB).
 - n) Pelajar yang berstatus Gagal dan Diberhentikan (GB) selepas menduduki Peperiksaan Ulangan Khas perlu membuat rayuan meneruskan pengajian dan mengulang kursus tersebut serta perlu mencapai kelayakan minima untuk dianugerahkan diploma atau ijazah kepujian tidak kurang daripada PNGK 2.00.
- 6) Peperiksaan ulangan khas tidak boleh diadakan bagi kes-kes berikut:
- a) Pelajar yang telah disekat menduduki peperiksaan akhir atau
 - b) Tidak hadir peperiksaan akhir atau
 - c) Melakukan kesalahan akademik ketika peperiksaan akhir
- 7) Permohonan pelajar tidak akan diterima oleh pejabat Dekan Fakulti sekiranya:
- a) Dikemukakan selepas tempoh yang dinyatakan;
 - b) Borang permohonan tidak diisi dengan lengkap;
 - c) Tidak dikemukakan bersama-sama dengan salinan resit bayaran.

PROSES KERJA PEPERIKSAAN ULANGAN KHAS



CARTA ALIR PENGENDALIAN PEPERIKSAAN ULANGAN KHAS

